

Gielddaráđdehus

Áigi 18.08.2025 dmu 13:00 -**Báiki** Hybridačoahkkín, gielddadálu váldostivrasále dahje teams-heivehus**Čoahkkínáššit**

Ášši	Bajilčála	Siidu
123	Čoahkkima lágalašvuohta ja mearridanváldi	4
124	Beavdegirjedárkkisteaddjiid válljen	5
125	Čoahkkima bargoortnega dohkkeheapmi	6
126	Dili birra oanehaččat	7
127	Ruhtadili birra oanehaččat	8
128	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	9
129	Váldostivrra 12.6.2025 čoahkkima ollašuhttin	10
130	Gielddaráđdehusa áššelisttuid juohkin ja beavdegirjji gárvvisteapmi, dárkkisteapmi ja albmosis doallan	11
131	Gielddaráđdehusa čavčča 2025 čoahkkínbeaivvit	13
132	Gielddaráđdehusa ovddasteaddjiid nammadeapmi lávdegottiide áigodahkii 2025-2027	14
133	Gieldda ovddasteaddjiid nammadeapmi muhtun fitnodagaid ja servošiid doaibmaorgánaide áigodahkii 2025-2029	15
134	Lahtuid nammadeapmi Anára sosiála- ja dearvasvuodálávdegotti vuollásaš birasjuhkosi 2025-2029	16
135	Lahtuid nammadeapmi Árktalaš Lappi birassuodjalusa birasjuhkosi 2025-2029	17
136	Johtolatdorvvolašvuodabargojoavkku ovddasteaddji nammadeapmi	18
137	Ohcejoga boarrásiidráđi nammadeapmi doaibmabadjái 1.8.2025-31.5.2029	19
138	Ohcejoga lápmásiidráđi nammadeapmi doaibmabadjái 1.8.2025-31.5.2029	20
139	Davvi- ja Nuorta-Lappi barggolašvuodaguovlojuhkosa lahtu nammadeapmi badjái 2025-2029	21
140	Davvi-Lappi guovloovttasbarggu gieldaovttastumi ruhtadoalloloahpaheami nannen ja vástufriijavuoda mieđiheapmi čilgengeatnegasaide jagis 2024	23

Ohcejoga gielda	Áššelistu	8/2025	2
141	Utsjoen Hyvinvointikiinteistöt Oy stivrra ságadoalli nammadeapmi		24
142	Gielddahoavdda oahppofriijabeaivvit		26
143	Davvi-Lappi guovlluguovdasaš oahppoloatnabuhtadusiskkadallan		27
144	Eallinfápmodoaibmasuorggi ja tehnikkalaš doaibmasuorggi ovttastahttin		28
145	Nuppástusráđđádallamiid mearrádusa mieldásaš namahusnuppástusat guovddášhálldahus ja kanslisttat		29
146	Nuppástusráđđádallamiid mearrádusa mieldásaš namahusnuppástusat čuvgehusdoaibma		30
147	Gulahallama koordináhtora fásta doaimma vuodđudeapmi nuppástusráđđádallamiid mearrádusa mielde		31
148	Nuppástusráđđádallamiid mearrádusa mielde vuodđuduvvo lihkanjodiheddji /lihkanbáikejodiheddji doaibma		32
149	Nuppástusráđđádallamiid mearrádusa mielde virggit mat heaittihuvvojit		33
150	Nuppástusráđđádallamiid mearrádusa mielde vuodđuduvvo čuovvovaš virgi		34
151	Ohcejoga gielda cealkámuš ovddeš polesstašuvnna suodjalanášsis LAPELY/2916/2025		35
152	Tontte oastinfálaldat, Inga ja Nilla Guttorm		36
153	Jienastanguovlojuogu nuppástuhttin 1.1.2026 rájes		37
154	Gielddaráđđehusa linnjá buggeluosa bivdimii sihke Norgga huksen buđđui Deanus		38
155	Doaibmaorgánaid mearrádusat		39
156	Áššit diehtun		40

Oasseváldit

Mielde	Namma	Doaibma
	Tieva-Niittyvuopio Vuokko	ságadoalli
	Moilanen Mateusz	várreságadoalli
	Tapiola Sari	lahttu
	Hekkanen Eemeli	lahttu
	Länsman Vesa	lahttu
	Rasmussen Riikka	lahttu
	Länsman Lávra	lahttu
	Niittyvuopio-Valle Laura	várrelahttu
	Konttinen Pirjo	várrelahttu
	Länsman Nilla-Pekka	várrelahttu
	Lukkari Sammol	várrelahttu
	Guttorm Urho	várrelahttu
	Heikurainen Laura	várrelahttu
	Kontio Oskari	várrelahttu
Eará	Kontio Päivi	gielddahoavda
	Länsman Marja	beavdegirjedoalli
	Aikio Maria Sofia	tulka

123
Čoahkkima lágalašvuohta ja mearridanváldi

Gr 18.08.2025

Mearrádusevttohus Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus

124

Beavdegirjji dárkkisteaddjiid válljen

Gr 18.08.2025

Mearrádusevttohus Válljet čoahkkimii guokte beavdegirjedárkkisteaddji.

Mearrádus

125

Bargoortnega dohkkeheapmi

Gr 18.08.2025

Mearrádusevttohus

Gielddaráđđehus dohkkeha áššiid gieđahallanortnega
čoahkkima áššelisttu mielde.

Mearrádus

.

126

Dili birra oanehaččat

Gr 18.08.2025

Gielddahoavda muitala áigeguovdilis áššiid birra oanehaččat

Mearrádusevttohus

Merkejuvvo diehtun.

Mearrádus

127

Ruhtadili birra oanehaččat

Gr 18.08.2025

Mearrádusevttohus Gullat oanehaččat ruhtadili birra.

Mearrádus

128

**Gávpenannejeaddji giddodatluohpadanalmmuhusat ja gieldda
ovdaoastinvuoigatvuoda geavaheapmi**

Gr 18.08.2025

Gildii leat boahtán 11 st gávpenannejeaddji
giddodatluohpadanalmmuhusa, listu
giddodatluohpadanalmmuhusain lea siidomateriálan.
Giddodatluohpadanalmmuhusat leat oaidninláhka čeahkkimis.

Ovdaoastinlága mielde ovdaoastinvuoigatvuoda geavahettiin
mearrádussii ožžot oasti ja vuovdi ohcat nuppástusa ja váidit
hálddahušiektái.

Gieldda mearrádussii leat geavatkeahtá
ovdaoastinvuoigatvuoda ii oaččo ohcat nuppástusa váidimiin.

Mearrádusevttohus

Gielddaráđđehus merke diehtun gávpenannejeaddjiid
giddodatluohpadanalmmuhusaid ja mearrida, ahte gielda ii
geavat ovdaoastinvuoigatvuoda báikkiide, mat gullet gávpái.

Mearrádus

129

Váldostivrra 12.6.2025 čoahkkima ollašuhttin

Gr 18.08.2025

6/00.02.00/2025

Gieldalága mielde gielddaráđđehus vástida váldostivrra mearrádusaid lágalašvuoda bearráigeahčus.

Jos gielddaráđđehus oaidná, ahte váldostivrra mearrádus lea dahkkon boasto ortnegis dahje manná váldostivrra doaibmaválddi badjel dahje muđui lea lága vuostá, gielddaráđđehus berre guođđit mearrádusa ollašuitekeahtá. Ášši galgá dalán bidjat váldostivrii ođđasit giedahallamii.

Čuovusin váldostivrra čoahkkima áššelistu. Váldostivrra mearrádusat leat leamašan oaidninláhkai 19.6.2025.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus gávnaha, ahte váldostivrra mearrádusat leat lágalaččat ja ollašuhttingelbbolaččat. Gielddaráđđehus čadaha ollašuhttima.

Mearrádus

Čuvvosat:

Čuovus 1. Váldostivrra_12-6-2025_Bovdehus

130**Gielddaráđdehusa áššelisttuid juohkin ja beavdegirjji gárvvisteapmi, dárkkisteapmi ja albmosis doallan**

Gr 18.08.2025

102/00.02.01/2025

Ohcejoga gieldda hálddahunjuolggadusa 130 §:a mielde čoahkkinbovdehus sáddejuvvo nu mo doaibmaorgána lea mearridan. Čoahkkinbovdehusa addá ságadoalli dahje go son lea eastašuvvan, várreságajođiheadji. Áššelistu, mas leat čoahkkináššit ja evttohusat doaibmaorgána mearrádusaide, sáddejuvvojit čoahkkinbovdehusa oktavuodas, jus dasa eai leat earenoamáš sivat easttan. Čoahkkinbovdehus lea sáddejuvvon lahtuide ja earáide geain lea vuoigatvuohta oassálastit čoahkkimii, unnimustá guhtta beaivve ovdal čoahkkima..

Doaibmabajis 2021-2025 gielddaráđdehusa áššelistu lea juhkkjuvvon fásta lahtuid lassin ságadoallái, áššemeannudeaddjái, beavdegirječállái, dulkii, gielddaráđdehusa várrelahtuide, dárkkistanlávdegotti lahtuide ja hálddahushoavddaide. Áššelistu lea maid biddjon oaidnin láhkái gieldda neahttasiidduide.

Hálddahunjuolggadusa 150 § mielde beavdegirjji doallamis ja sisdoalus vástida doaibmaorgána ságadoalli. Beavdegirjji vuolláičállá ságadoalli ja beavdegirječállli dárkkista dan. Beavdegirji dárkkistuvvo doaibmaorgána mearridan vugiin.

Hálddahunjuolggadusa 151 § mielde gielddaráđdehusa beavdegirji dasa laktáseaddji divvungáibádusrávvagiiguin dahje váidalančujuhusaiguin dollojuvvo dárkkisteami maŋnel oaidninláhkai gieldda neahttasiidduin nu mot Gieldalága 140 §:s dárkileappot mearriduvvo. Gieldalága 140 § mielde beavdegirji dollojuvvo dárkkisteami maŋnel oaidninláhkai almmolaš diehtofierpmádagas, jos ii čiegusindoallama guoski njuolggadusain eará čuovo.. Beavdegirjji almmustahttojit dušše dieđuoazžuma dáfus bákkolaš persovdnadieđut. Beavdegirjji persovdnadieđut galget sihkkjuvvo almmolaš diehtofierpmis, go vuigengáibádus- dahje váidináigi nohká.

Beavdegirjji sáhtta dárkkistit dalán čoahkkimis dahje dan dárkkistit guokte guhtege čoahkkimis dan várás válljejuvvon lahtu. Jos beavdegirjji dárkkisteaddji ii dohkket beavdegirjji, dan galgá dárkkistit čuovvovaš čoahkkimis.

Mearrádusevttohus

Gielddaráđdehus mearrida, ahte
- čoahkkínbovdehus sáddejuvvo fásta lahtuide ja earáide geain lea vuoigatvuohta oassálastit čoahkkimii, unnimustá guhtta beaivve ovdal čoahkkima, elektrovnnalaččat. Áššelistu sáddejuvvo čoahkkínbovdehusa olis, jos earenoamáš sivat eai leat easttan. Áššelistu almmustahttojuvvo maid gieldda neahttasiidduin. - beavdegirječállin doaibmá doaimmahatčáli ja jos son lea eastašuvvan de joga áššemeannudeaddji dahje eará doaibmaorgána lea beavdegirječállin. - beavdegirjji dárkkistit guokte guđege čoahkkimis nammaduvvon lahtu mañimustá čoahkkínbeaivvis čuovvovaš beaivve. Beavdegirji biddjo gieldda neahttasiidduide dárkkisteami mañjá ja nu ahte čiegusvuodanjuolggadusat doahttaluvvojit. Beavdegirjji sámegielat jorgalus dolvojuvvo neahttasiidduide mañimustá vahku mañjá čoahkkima. Virggálaš oaidninláhkai doallan ja váidináigi álgá vahku mañjá čoakkáma, oaidninláhkai doallamis lea váldojuvvon vuhtii beavdegirjji jorgaleapmi sámegillii..

Mearrádus

131**Gielddaráđđehusa čavčča 2025 čoahkkínbeaivvit**

Gr 18.08.2025

109/00.02.01/2025

Ohcejoga gieldda hálddahunjuolggadusa 129 § mielde doaibmaorgána mearrida čoahkkimiiddis áiggi ja báikki.

Čoahkkín dollojuvvo maiddá dalle, go ságadoalli oaidná čoahkkima dárbbaslažžan dahje eanetlohku doaibmaorgána lahtuin dahká ságadoallái evttohusa čoahkkima doallamis dan ášši gieđahallama várás, man leat almmuhan. Dákkár dilis ságadoalli mearrida čoahkkínáiggi.

Ságadoalli sáhtá ákkastallon siva geažil šluhttet čoahkkima.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus mearrida čavčča 2025 čoahkkínbeaivin 22.9.2025, 20.10.2025, 17.11.2025 ja 8.12.2025 Gielddaráđđehus sáhtá dárbbu mielde doallat badjelmearálaš čoahkkimiid. Čoahkkimat dollojit gielddadálus dmu 13.00 rájes hybridačoahkkimin.

Mearrádus

132**Gielddaráđđehusa ovddasteaddjiid nammadeapmi lávdegottiide áigodahkii 2025-2027**

Gr 18.08.2025

103/00.02.01/2025

Hálddahunjuolggadusa 136 § mielde gielddaráđđehus sáhttá mearridit eará doaibmaorgánaide iežas ovddasteaddji, geas lea mieldeorrun- ja hállanvuoigatvuohta doaibmaorgána čoahkkimis. Ovddasteaddjin sáhttá mearridit maiddá gielddaráđđehusa várrelahtu dahje gielddahoavdda. Ovddasteaddji ii goit nammaduvvo dárkkistanlávdegoddái, váldostivrra gaskaboddosaš váljagoddái iige válgalágas ásahuvvon válgadoaibmaorgánaide.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus nammada iežas ovddasteaddji čuvgehuslávdegoddái sihke eallinfápmo- ja teknikkalaš lávdegoddái áigodahkii 2025-2027.

Mearrádus

133

Gieldda ovddasteaddjiid nammadeapmi muhtun fitnodagaid ja servošiid doaibmaorgánaide áigodahkii 2025-2029

Gr 18.08.2025

104/00.02.01/2025

Gielda lea osolažžan ja nappo geavaha hállanválddi muhtun fitnodagain ja servošiin. Danin gielddaráđđehus nammada iežas ovddasteaddji vulobeale fitnodagaid ja servošiid fitnodatčoahkkimii / osolaščoahkkimii jagiide 2025-2029.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus vällje:

1. guokte ovddasteaddji Kiinteistö Oy Ringinvatro fitnodatčoahkkimii,
2. ovtta ovddasteaddji Asunto Oy Rievanradnu fitnodatčoahkkimii,
3. guokte ovddasteaddji Kiinteistö Oy Utsjoen Virastotalo fitnodatčoahkkimii,
4. ovtta ovddasteaddji Ohcejoga Šleadgaossodatgotti osolaščoahkkimii,
5. ovtta ovddasteaddji Kiinteistö Oy Gálgogárdina fitnodatčoahkkimii,
6. ovtta ovddasteaddji Inarin Lapin Vesi Oy fitnodatčoahkkimii.

Mearrádus

134

Lahtuid nammadeapmi Anára sosiála- ja dearvvasvuodálávdegotti vuollásaš birasjuhkosis 2025-2029

Gr 18.08.2025

105/00.04.00/2025

Anára ja Ohcejoga gielddat leat soahpan birasdearvvasvuodáfuolahusa ja eananguovlohálddahusa bargguid dikšumis ovttasdoaibmanguovllus. Ovttasdoaibmanguovllu doaibmaovttadat gohčoduvvo birasovttadahkan. Soahppioassebeliid oktasaš doaibmaorgánan doaibmá Anára gieldda sosiála- ja dearvvasvuodálávdegotti birasjuogus.

Birasdearvvasvuodáfuolahusa ja birassuodjalusa ovttasdoaibmansoahpamuša mielde birasjuhkosis leat vihtta lahtu, geain golbmasa nammada Anára gielda ja guoktása fas Ohcejoga gielda. Anára sosiála- ja dearvvasvuodálávdegoddi vállje juhkosa ságadoalli ja várreságadoalli, geain nubbi lea Anára gielddas ja nubbi Ohcejoga gielddas.

Anára gielda lea bivdán Ohcejoga gieldda nammadit juhkosis guokte lahtu ja guokte persovnnalaš várrelahtu.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus nammada guokte lahtu ja guokte persovnnalaš várrelahtu Anára gieldda sosiála- ja dearvvasvuodálávdegotti vuollásaš birasjuhkosis.

Mearrádus

135**Lahtuid nammadeapmi Árkálaš Lappi birassuodjalusa birasjuhkossii 2025-2029**

Gr 18.08.2025

106/00.04.02/2025

Soađegili gielda lea vástidan 1.1.2020 rájes ovttasdoaibmanguovllu (Soađegilli, Anár, Ohcejohka, Muoná ja Eanodat) birassuodjalusa eiseváldebargguin.

Ovttasdoaibmansoahpamuša mielde "Ovttasdoaibmama ordnema várás Soađegili gielddas (vástugielddas) doaibmá oktasaš doaibmaorgánan teknihkalaš lávdegotti vuollásaš birasjuogus. Doaibmaorgána doaibmá Soađegili gieldda organisašuvnnas. Oktasaš doaibmaorgánas leat 7 lahtu; 2 Anáris, 1 Ohcejogas, 1 Eanodagas, 1 Muonás ja 2 Soađegilis. Soahppigielddaid váldostivrrat nammadit lahtuset ja guhtiige persovnnalaš várrelahtu dás oaivvilduvvon oktasaš doaibmaorgánii."

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus evttoha váldostivrii, ahte váldostivra nammada ovttalahtu ja sutnje persovnnalaš várrelahtu birasjuhkossii. Jos doaibmaorgána čoahkkana ovdal váldostivrra gieđahallama, oassálastá ovddit ovddasteaddji Aulis Nordberg gieldda ovddasteaddjin čoahkkimii.

Mearrádus

136**Johtolatdorvvolašvuodabargojoavkku ovddasteaddji nammadeapmi**

Gr 18.08.2025

108/00.04.00/2025

Gielddas doaibmá johtolatdorvvolašvuodabargojoavku Lappi Ejb-guovddáša doaibmamáalle mielde. Bargojoavkkus lea ovddastus gieldda buot hálddahusgottiin sihke Ohcejoga meahcivaljidikšunovttastusas, Lappi Ejb-guovddášis, Johtolatdorvvus, bolesis, Infrap Oy:s, Destias ja Lappi gádjunlágádusas.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus nammada iežas ovddasteaddji johtolatdorvvolašvuodabargojovkui.

Mearrádus

137

Ohcejoga boarrásiidráđi nammadeapmi doaibmabadjái 1.8.2025-31.5.2029

Gr 18.08.2025

107/00.04.02/2025

Gieldalága 27 § mielde gildii galgá ásahit boarrásiidráđi. Boarrásiidráđđái galgá addit vejolašvuoda váikkuhit gieldda sierra doaibmasurggiid doaimma plánemii, válmmaštallamii ja čuovvumii áššiin, main lea mearkkašupmi ahkeolbmuid buresveadjima, dearvvasvuoda, oasálašvuoda, eallinbirrasa, ássama, lihcadeami dahje beaivválaš doaimmain ceavzima dahje sin dárbbasan bálvalusaid dáfus. Hálddahunjuolggadusa 13 § mielde boarrásiidráđi čoahkus, ásaheamis ja doaibmaeavttuin mearrida gielddaráđdehus.

Áššemeannudeaddji Gielddahoavda Kontio Päivi

Mearrádusevttohus Gielddaráđdehus bivdá čuovvovaš oassebeliid nammadit iežaset ovddasteaddji boarrásiidráđđái: Ohcejoga searvegoddi, Sámi Siida, SámiSoster, SPR Ohcejoga ossodat, Ohcejoga soahteveteránat, Utsjoen Sydänyhdistys, Utsjoen Syöpäyhdistys, Utsjoen Eloisat, Nuorgamin Ikäsähly, Karigasniemen Eläkeläiset, Inari-Utsjoen Kuuloyhdistys, Inari-Utsjoen Reumayhdistys, Inari-Utsjoen Diabetesyhdistys sihke MLL Ohcejoga ossodat. Lassin gielddaráđdehus gávnaha, ahte buresveadjinhoavda gullá boarrásiidráđđái virggis beales.

Mearrádus

138

Ohcejoga lápmásiidráđi nammadeapmi doaibmabadjái 1.8.2025-31.5.2029

Gr 18.08.2025

136/00.04.02/2025

Gieldalága 28 § mielde gildii galgá ásahit lápmásiidráđi. Lápmásiidráđđái galgá addit vejolašvuoda váikkuhit gieldda sierra doaibmasurggiid doaimma plánemii, válmmaštallamii ja čuoovvumii áššiin, main lea mearkkašupmi doaibmahehttejuvvon olbmuid buresveadjima, dearvvasvuoda, oasálašvuoda, eallinbirrasa, ássama, lihkadeami dahje beaivválaš doaimmain ceavzima dahje sin dárbbášan bálvalusaid dáfus. Hálddahusnjuolggadusa 13 § mielde lápmásiidráđi čoahkus, ásaheamis ja doaibmaeavttuin mearrida gielddaráđđehus.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus bivdá čuoovvovaš oassebeliid nammadit iežaset ovddasteaddji lápmásiidráđđái: Ohcejoga searvegoddi, Sámi Siida, SámiSoster, SPR Ohcejoga ossodat, Ohcejoga soahteveteránat, Utsjoen Sydänyhdistys, Utsjoen Syöpäyhdistys, Utsjoen Eloisat, Nuorgamin Ikäsähly, Karigasniemen Eläkeläiset, Inari-Utsjoen Kuuloyhdistys, Inari-Utsjoen Reumayhdistys, Inari-Utsjoen Diabetesyhdistys sihke MLL Ohcejoga ossodat. Lassin gielddaráđđehus gávnnahe, ahte buresveadjinjoavda gullá lápmásiidráđđái virggis beales.

Mearrádus

139

Davvi- ja Nuorta-Lappi barggolašvuodaguovlojuhkosa lahtu nammadeapmi badjái 2025-2029

Gr 18.08.2025

23/00.04.01/2024

Soađegili gieldda hálddahusnuolggadusa 21 § mielde gielddaráđđehusa vuolde doaibmá Davvi- ja Nuorta-Lappi barggolašvuodaguovlojuogus, mii doaibmá gieldalága 51 § mieldásaš bargofápmoeiseváldin ovttasdoaibmanguovllu gielddaid oktasaš doaibmaorgánan. Doaibmaorgána vástida bargofápmoeiseválddi bargguin, mat meroštallojit lágas bargofápmobálvalusaid ordnema birra. Ordnenovddasvástádus oaivvilda gieldalága 8 §:s meroštallon gieldda ordnenovddasvástádusa. Bargofápmobálvalusaid ordnemis ja eará bargofápmobálvalusaide laktáseaddji lágas ásahuvvon bargguin mearriduvvo bargofápmobálvalusaid ordnema birra addojuvvon lágas sihke bargguiduhttima mánggasuorggat ovddideamis lágas.

Davvi- ja Nuorta-Lappi
barggolašvuodaguovllu ovttasdoaibmansoahpamuš lea
dohkkehuvvon buot barggolašvuodaguovllu gielddain 23.10.2023.

Barggolašvuodaguovlojuhkosi gullet 11 lahtu; Soađegilli, Anár ja Giemajávri nammadit guhtege guokte (2) lahtu ja Ohcejohka, Suovvaguoika, Salla, Pelkosenniemi ja Posio guhtege ovtta (1) lahtu, ja guđege lahtus lea persovnnalaš várrelahttu. Juhkosa doaibmabadji lea váldostivrabadji ja dat doaibmá Soađegili gieldda organisašuvnnas.

Soahpamuša mielde doaibmaorgána ságadoallin doaibmá Soađegili gieldda ovddasteaddji, gean vállje Soađegili gieldda váldostivra. Várreságadoalli nammadit vuoruid mielde guovtti jagi gaskkaid eará soahppigielddat johtti alfabehtalaš ortnegis.

Soađegili gielda bivdá Davvi- ja Nuorta-Lappi
barggolašvuodaguovllu soahppigielddaid nammadit lahtu ja sutnje persovnnalaš várrelahtu. Nammadeamit bivdojuvvojit almmuhit 15.8.2025 rádjai Soađegili gildii.

Dásseárvolága 4 a § 1 momeantta mielde gieldda doaibmaorgánain (earet váldostivrras) galget leat uhcimustá 40 % nissonat ja uhcimustá 40 % albmát, jos ii erenomáš sivaidd geažil eará čuovo. Lága mielde dihtomearri galgá ollašuvvat sihke lahtuid ja várrelahtuid buohta. Dásseárvoláhka ii gáibit, ahte fásta lahttu ja su persovnnalaš várrelahttu galggašeigga leat seamma sohka beali.

Dásseárvolága 4 a § 3 momeantta mielde buot dat oassebealit, geat bivdojuvvojit nammadit evttohasaid dán paragrafas oaivvilduvvon doaibmaorgánii, galget vejolašvuodaid mielde evttohit sihke nissona ja albmá juohke lahtobáikái. Láhkaválmmaštallanmateriála mielde om. oassebealis lea ákkastallangeatnegasvuohta dan ektui, manin ii leamaš vejolašvuohta evttohit goappaš sohkabeali evttohasa guđege báikái.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus nammada lahtu ja sutnje persovnnalaš várrelahtu barggolašvuodajuhkosii áigodahkii 2025-2029.

Mearrádus

140

Davvi-Lappi guovloovttasbarggu gieldaovttastumi ruhtadoalloloahpaheami nannen ja vástufriijavuoda miediheapmi čilgengeatnegasaide jagis 2024

Gr 18.08.2025

111/00.04.01/2025

Davvi-Lappi guovloovttasbarggu gieldaovttastumi ruhtadoallodárkkisteaddji ja dárkkistanlávdegoddi leat gieđahallan gieldaovttastumi ruhtadoalloloahpaheami jagis 2024 ja evttohit ruhtadoalloloahpaheami nannema ja vástufriijavuoda miediheapmi gieldaovttastumi stivrra lahtuide ja eará čilgengeatnegasaide ruhtadoallobajis 1.1 - 31.12.2024. Ruhtadoalloloahpaheapmi, árvvoštallančilgehus ja ruhtadoallodárkkistančilgehus leat siidomateriálan.

Gieldaovttastumi vuodđosoahpamuša 9 § mielde váldostivrrat mearridit dárkkistanlávdegotti evttohusa mielde vástufriijavuodas.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus evttoha váldostivrii Davvi-Lappi guovloovttasbarggu gieldaovttastumi ruhtadoalloloahpaheami nannema ja vástufriijavuoda miediheapmi čilgengeatnegasaide jagis 2024.

Mearrádus

141

Utsjoen Hyvinvointikiinteistöt Oy stivrra ságadoalli nammadeapmi

Gr 05.05.2025 § 74

Lappi buresveadjinguovlu lea láigohan gielddas sosiála- ja dearvvašvuodabálvalusaid atnui lanjaid fápmuibidjanlága vuodul 3+1 prinsihpain.

Gieldalága 126 § mielde gieldda doaimmadettiin 7 §:s oaivvilduvvon doaimmas gilvalandilis márkaniin dat galgá addit barggu oasussearvvi, ossodatgotti, searvvi dahje vuodđudusa doaibman (fitnodahkan rievdadeami geatnegasvuohta).

Gielda lea álggahan láigoráđđádallamiid 10.4.2025 Lappi buresveadjinguovlluin. Dán ráđđádallamis leat giedahallojuvvon láigohanvuloš giddodagat ja vuos eará vejolaš oasseollisvuodát, dego bázahusfuolahusa ordnen 1.1.2026 rájes. Dán ráđđádallamis ii goittotge meroštallon láigodássi dahje láigoheapmái gullelaš eavttut. Ráđđádallamat dáid oasil joatkašuvvet 24.6.2025.

Dat, mii boahtá leat aitosaš fitnodahkan rievdadanvuohki (appoarta vs. giddodatgávpi) ja dat, báhcágo eanaassi gieldda oamastussii, čielgá manjá.

Ohcejoga gielda boahtá oamastit vuodđudanvuloš Utsjoen Hyvinvointikiinteistöt Oy:s 100 %.

Fitnodaga vuodđudeami oktavuodas nammaduvvojit stivrra lahtut ja beaivválaš jođiheaddji.

Vuodđudansoahpamuš ja fitnodatnjuolggadus siidomateriálan.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus evttoha váldostivrii, ahte dat vuodđuda Utsjoen Hyvinvointikiinteistöt Oy siidomateriála mielde. Gielddahoavda fápmuduvvo vuolláičállit vuodđudansoahpamuša ja dahkat áššegirjiide vejolaš uhcánaš nuppástusaid.

Seammás nammaduvvojit vuodđudanvuloš fitnodatsearvái beaivválaš jođiheaddji ja golbma stivrra lahtu.

Mearrádus

Evttohus dohkkehuvvui.

Marjatta Kordelin evttohii, ahte Veikko Porsanger nammaduvvo vuodđudanvuloš fitnodatsearvvi stivrra lahttun. Veikko Porsanger evttohii, ahte Mika Aikio nammaduvvo vuodđudanvuloš fitnodatsearvvi stivrra lahttun. Ságadoalli evttohii, ahte Pirjo Konttinen nammaduvvo vuodđudanvuloš fitnodatsearvvi stivrra lahttun. Ságadoalli evttohii, ahte Heidi Keskitalo nammaduvvo vuodđudanvuloš fitnodatsearvvi stivrra lahttun. Evttohusat dohkkehuvvojedje ovtamielalaččat.

Váld 22.05.2025 § 20

Mearrádusevttohus Váldostivra mearrida vuodđudit Utsjoen Hyvinvointikiinteistöt Oy siidomateriála mielde. Gielddahoavda fápmuduvvo vuolláičállit vuodđudansoahpamuša ja dahkat áššegirjiide vejolaš uhcánaš nuppástusaid.

Mearrádus Evttohus dohkkehuvvui.

Gr 18.08.2025
76/10.00.02.01/2025

Utsjoen Hyvinvointikiinteistöt Oy stivrii galgá ovdal vuodđudansoahpamuša gárvvisteami mearridit stivrii ságadoalli.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida nammadit Utsjoen Hyvinvointikiinteistöt Oy stivrra ságadoallin Mika Aikio.

Mearrádus

142

Gielddahoavdda oahppofriijabeaivvit

Gr 18.08.2025

132/01.03.01/2025

Gielddahoavda lea jearran gielddaráđđehusa ságadoallis sihke váldostivrra ságadoallis vejolašvuoda oassálastit Bargosearvvuškoabahalli-skuvlemii gáiddusstuđerema bokte. Bargosearvvuškoabahalli skuvlen veahkeha áicat bargoservoša konflivttaid duogážis váikkuheaddji dahkkiid sihke analyseret daid dynamihka. Ovddabealde máinnašuvvon áššiid lassin skuvlemis háhkkojuvvojit dieđut ja dáiddut deaividit ja gieđahallat soahpameahttunvuodaid ovddideaddji láhkai ja gudnejahttima čujuhemiin. Skuvlema ulbmilin lea, ahte oahppi bastá heivehit čoavdinmetodaid bargoservoša ovddideamis sihke ádde bargosearvvuškoabahallama juridihka ja bargovuoigatvuodalaš beliid vuodustusaid.

Vaikko bargosearvvuškoabahalli ii sáhte doaibmat iežas organisašuvvna siste, addá skuvlejupmi liikká viidásut ipmárdusa hástaleaddji bargoveahkadiliide. Ohcejoga gielddas leamašan guhká hástalussan bargoburesveadjinjearahallamiin badjánan fuolla heajos jodiheamis ja dáidemeahttunvuodas dikšut hástaleaddji bargoveahkadiliid. Skuvlen buvttášii dáidda oidnojuvvon hástalusaid lasi máhtu.

Skuvlen lea ollásit gáiddusoktavuodain áigodagas 23.9.2025-28.5.2026. Skuvlenbeaivvit leat čakčabajis 23.9.2025, 24.10.2025, 20.11.2025, 18.12.2025 ja giđđabajis 20.1.2026, 24.2.2026, 18.3.2026, 15.4.2026, 13.5.2026 ja 28.5.2026. Skuvlema ordne oahppoguovddáš Kainula.

Gielddaráđđehusa ságadoalli mearrádusevttohus

Gielddaráđđehus miedihha gielddahoavda Päivi Kontioi válmmaštallama mielásaš oahppofriijabeivviid báلكkáin ovddabealde máinnašuvvon skuvlemii, loahpaide skuvlenbeivviide son ohcá sierra luopmobeivviid. Muđui son oassálastá skuvlemii virgeáiggi olggobealde iige bargoáigi oahpuide geavahuvvo muđui go sierra soahpama mielde.

Mearrádus

143

Davvi-Lappi guovlluguovdasaš oahppoloatnabuhtadusiskkadallan

Gr 18.08.2025

131/00.04.01/2025

Davvi-Lappi guovloovttasbarggu gieldaovttastupmi ja Meri-Lapin Kehittämiskeskus ry guđđe cuonjomanu bušeahta beallemuttučuoldimii evttohusa guovlluguovdasaš oahppoloatnabuhtadusas. Projeakta ii ovdánan bušeahta beallemuttučuoldimis iige leat oaidnimis, ahte dat ollašuhttošii maiddái oassin Davi prográmmage.

Davvi-Lappi guovloovttasbarggu gieldaovttastupmi lea válmmaštallan oahppoloana buhtadusiskkadallama ovttas Davvi- ja Nuorta-Lappi barggolašvuodaguovlohoavddain giđa áigge. Válmmaštallamis lea ávkkestallon maid Nuorta-Suoma universitehta ovdalis dahkan čielggadanbargguin sihke Norgga stáhtahálddahusa vástideaddji málliin.

Davvi-Lappi guovloovttasbarggu gieldaovttastumi stivra mearridii čoahkkimisttis 2.7.2025, ahte stivra álggaha gieldaovttastumi oahppoloana buhtadusiskkadallama ja doalvu dan ain lahttogielddaide mearridanláhkai.

Oahppoloatnabuhtadusiskkadallama dárkilut čilgehus siidomateriálan.

Áššemeannudeaddji

Gielddahoavda Kontio Päivi

Mearrádusevttohus

Ohcejoga gielda mearrida vuolgit ollašuhttit oahppoloatnabuhtadusiskkadallama golmma jagi mearreáigásaš iskkadallanáigodagain 2026-2028.

Mearrádus

144

Eallinfápmodoaibmasuorggi ja teknikalaš doaibmasuorggi ovttahttin

Gr 18.08.2025

122/00.01.01.02/2025

Ohcejoga gieldda jagi 2024 ruhtadoalloloahpaheamis lei 82 000 € vuollebáza, muhto bohtosa buoridii 342 463 € geardelunddot máksu. Bušeahttaárvalussii 2025 bázii 318 012 € vuollebáza. Gielda dingui dán jagi álggus FCG Oy:s čilgehusa gieldda ekonomalaš dili birra ja ekonomiija ovdánanárvoštallamiid, maiguin árvoštallojuvvui gieldda ekonomiija ovdáneapmi jagi 2030 rádjai. Árvoštallamiid vuodul gieldda bušeahttaárvalusain boahtá leat jagi 2025 rájes čielgasit vuollebáza, jagis 2026 vuollebáza čoggo sullii 580 000 € ja jagis 2027 badjel 900 000 €.

Gielda leamašan fáhkkes ráhkadusnuppástusa gielda jagi 2021 rájes, mii boahtá Atlántta luosa bivdogildosis. Vaikko gielda lea geahččalan dahkat iešguđetlágan doaibmabijuid boađuid oččodeami dihte, ii dat leat reahkkán jorgalit gieldda ekonomiija buoret guvlui, baicce mearkkašahtti loatnavuodđu, vearroboađuid nuppástusat sihke stáhtaossodatvuogádaga nuppástusat leat deaddán gieldda ekonomiija negatiivvalaš guvlui.

Hui váttis ekonomalaš dili geažil gielddaráđđehus mearridii álggahit gielddas nuppástusráđđádallamiid, mat mearriduvvojedje 10.6.2025. Oktan nuppástusráđđádallamiin dohkkehuvvon doaibmabijuin lei eallinfápmo- ja teknikalaš doaibmasuorggi ovttahttin oktan doaibmasuorgin. Ovddabealde máinnašuvvon lávdegottit leat jo ovttahtton jagis 2023. Ođđa doaibmasuorggi namman boahtá Ovddidan- ja birasdoaibmasuorgi.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha evttohusa ja evttoha ain váldostivrii eallinfápmodoaibmasuorggi ja teknikalaš doaibmasuorggi ovttahttima ja evttoha ođđa doaibmasuorggi namman ovddidan- ja birasdoaibmasuorgi.

Mearrádus

145

Nuppástusráđđádallamiid mearrádusa mielásaš namahusnuppástusat guovddášhálldahus ja kanslisttat

Gr 18.08.2025

118/01.01.00.03/2025

Ohcejoga gielddas čađahuvvojedje giđa 2025 áigge nuppástusráđđádallamat, maid vuogáiduhttinplána gielddaráđđehus dohkkehii 10.6.2025. Nuppástusráđđádallamiid loahppaboađusin šattai, ahte bargogovat ja namahusat čielggasmahttojit ja ovttastahttojit.

Guovddášhálldahusas nuppástus guoská dálá doaimmahatčáli, gean namahus rievdaduvvo hálldahusa koordináhtorin. Sierra doaibmasurggiid kanslisttaid namahusat rievdaduvvojit doaimmahatčállin ja bargogovat dárkkistuvvojit guđege buohta sierra. Namahusnuppástusat eai váikkut bálkái ja vejolaš ođđa bargoollisvuodát váldojit vuhtii dássebálkáodastusas.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha evttohusa ja evttoha ain váldostivrii, ahte guovddášhálldahusa doaimmahatčáli namahus rievdaduvvo hálldahusa koordináhtorin ja doaibmasurggiid kanslisttat doaimmahatčállin. Nuppástus boahtá fápmui 1.9.2025 rájes.

Mearrádus

146

Nuppástusráđđádallamiid mearrádusa mielásaš namahusnuppástusat čuvgehusdoaibma

Gr 18.08.2025

118/01.01.00.03/2025

Gielddaráđđehus mearridii 15.4.2025 álggahit ovttasdoaibmanmeannudeami buvttadussii guoski ja ekonomalaš ákkaiguin bargoadi ja bargoveaga gaskasaš ovttasdoaibmama birra gielddas ja buresveadjinguovllus addojuvvon lága 13.4.2007/449 mielde.

Nuppástusráđđádallamat guske oppa gieldda bargoveaga ekonomijja balanseremii dárbbášlaš doaibmajuid ollašuttima várás jagiin 2025, 2026 ja 2027. Lassin gielddaráđđehus gávnahii, ahte nuppástusráđđádallamat bistet uhcimustá 6 vahku árvvu mielde geassemánu 2025 beallemuttu rádjai ja ráđđádallamat ollašuttojedje oktasašbargojoavkočoakkádusain. Bargoadi ovddasteaddjin doaibmaba gielddahoavda ja doaimmahatčáli. Dárbbu mielde bargojovkui bovdejuvvojedje njunušvirgehálldašeaddjit dahje/ja eará bargit.

Ohcejoga gieldda nuppástusráđđádallamiid vuogáiduhhtinprográmma mielde rievdaduvvojit čuvgehusdoaimma oasil čuovvovaš namahusat: Ohcejohnjálmmi skuvlla skuvlačáli rievdaduvvo skuvlla bálvalusbargin, asttuáiggečáli virgi rievdaduvvo asttuáiggekoordináhtorin ja bargogovvii lasihuvvo girjerádjodoaimma hovdenbargu sihke vuodđuduvvo vástideaddji girjerádjodikšu doaibma. Nuppástusat bohtet fápmui 1.9.2025 rájes iige dain leat dán muttus váikkuhus bálkái. Dássebálkáodastusas váldojit vuhtii vejolaš nuppástusat bargogovain.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha evttohusa ja evttoha nuppástusaid ain váldostivrii dohkkehanláhkai.

Mearrádus

147

Gulahallama koordináhtora fásta doaimma vuodđudeapmi nuppástusráđđádallamiid mearrádusa mielde

Gr 18.08.2025

118/01.01.00.03/2025

Ohcejoga gielddas čađahuvvojedje nuppástusráđđádallamat giđa 2025 áigge, maid vuogáiduhttinplána gielddaráđđehus dohkkehii 10.6.2025. Nuppástusráđđádallamiid loahppaboáđusin mearriduvvui vuodđuduvvot dárbbaslažžan gehččojuvvon gulahallama koordináhtora doaibma, mii lea doaisttázii fámus.

Bargogovva sisttisdoallá gieldda siskkáldas ja olgguldas gulahallama, turismagulahallama sihke buresveadjima, dearvvasvuoda ja dorvvolašvuoda gulahallamii laktáseaddji áššiid hálldahusa dikšuma. HYTETU- gulahallan lea ođđa oassesuorgi gulahallankordináhtora bargogovas. Dát váldojuvvo vuhtii dássebálkáodastusa oasis. Bargogovva sajáiduvvá gielddahoavdda vuollái.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha evttohusa ja mearrida vuodđudit gulahallama koordináhtora doaimma, mii lea doaisttázii fámus.

Mearrádus

148

**Nuppástusráđđádallamiid mearrádusa mielde vuodđuduvvo lihkadanjođiheaddji
/lihkadanbáikejođiheaddji doaibma**

Gr 18.08.2025

118/01.01.00.03/2025

Ohcejoga gieldda nuppástusráđđádallamiid oktavuodas guorahallui gieldda organisašuvdnaráhkadus ja árvvoštallojuvvui leat go dihto doaimmat dárbbaslaččat Gieldalága mielde gieldda bargun lea ovddidit iežas ássiid buresveadjima ja iežas guovllu eallinfámu ja maid lágidit iežas ássiide bálvalusaid ekonomalaččat, sosiálalaččat ja birrasa ektui suvdilis vugiin. Lihkadanjođiheaddji /lihkadanbáikejođiheaddji doaimma piloteren lea čájehan oanehis áiggis doaimma dárbbaslašvuoda. Nuppástusráđđádallamiid boadusin šattai mearrádus ahte gildii vuodđuduvvo lihkadanjođiheaddji /lihkadanbáikejođiheaddji doaibma mii lea doaisttázii fámus.

Áššemeannudeaddji Gielddahoavda Päivi Kontio

Mearrádusevttohus Gielddaráđđehus dohkkeha evttohusa ja mearrida vuodđudit lihkadanjođiheaddji /lihkadanbáikejođiheaddji doaibma mii lea doaisttázii fámus.

Mearrádus

149**Nuppástusráđđádallamiid mearrádusa mielde virggit mat heaittihuvvojit**

Gr 18.08.2025

117/01.01.00.01/2025

Ohcejoga gieldda nuppástusráđđádallamiid boadusin mearriduvvui ahte heaittihuvvojit čuovvovaš virggit :

girjerádjodoaimma jođiheaddji, eallinfápmohoavda ja giddodathoavda. Girjerádjodoaimma jođiheaddji oasil nuppástus bohtá fápmui 1.9.2025.

ÁššemeannudeaddjiGielddahoavda Päivi Kontio

Mearrádusevttohus Gielddaráđđehus dohkkeha evttohusa ja evttoha ain váldostivrii girjerádjodoaimma jođiheaddji, eallinfápmohovdda ja giddodathovdda virggiid heaittiheami. Girjerádjodoaimma jođiheaddji oasil nuppástus bohtá fápmui 1.9.2025.

Mearrádus

150

Nuppástusráđđádallamiid mearrádusa mielde vuodđuduvvo čuovvovaš virgi

Gr 18.08.2025

117/01.01.00.01/2025

Ohcejoga gieldda nuppástusráđđádallamiid boadusin lea mearriduvvon ahte vuodđuduvvo ovddidanjođiheaddji virgi. Ovddidanjođiheaddji vástusuorgin leat ovddidan- ja birasdoaibmasuorggi jođiheapmi, doaibmasuorggi hovdenbarggut ja ekonomiavástu. Ovddidanjođiheaddji doaibmá gieldda stivrenjoavkku lahttun ja lávdegotti áššemeannudeaddjin. Ovddidanjođiheaddji doaibmá hálldahusnjuolggadusa mielde diliin gielddahoavdda sadjásažžan. Ovddidanjođiheaddji oassálastá maiddá ovdogohcimii, guovloovttasbargui ja buriid fierpmádagaid ráhkadeapmái čanusjoavkkuiguin

Ovddidanjođiheaddjis gáibiduvvo bargui heivvolaš bajit allaskuvladutkkus ja praktihkalaš hárjánupmi vástusuorggi doaibmaguvlui gullelaš bargguin. Barggu ceavzilis dikšun eaktuda geavatláččat čájehuvvon jođihan- ja ovttasbargodáidduid. Ovddidanjođiheaddjis gáibiduvvo positiivvalaš doaladupmi ja hárjánupmi ovttasbarggus ealáhuseallima doaibmiiguin ja maid háló ovddidit ja gávdnat ođđa innovatiivvalaš čovdosiid gieldda ovdánahttimii. Sámegiella gehččojuvvo erenomáš ánsun.

Virggis čuvvojuvvo gieldasuorggi almmolaš virge- ja bargoeaktosoahpamuša. Virgái válljejuvvon galgá ovdal virggi vuostáváldima ovdanbuktit dohkálaš doaktárduođaštusa iežas dearvvasvuodadilis. Virggis čuvvojuvvo guđa mánotbaji geahččalanáigi.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus dohkkeha evttohusa ja evttoha váldostivrii ovddidanjođiheaddji virggi vuodđudeami.

Mearrádus

151

**Ohcejoga gieldda cealkámuš ovddeš polesstašuvnna suodjаланáššis
LAPELY/2916/2025**

Gr 18.08.2025

134/00.04.00/2025

Lappi ealáhus-, johtolat- ja birasguovddáš (EJB-guovddáš) lea giddodaga 890-401-12-26 oamasteaddjis 25.6.2025 bohtán almmuhusa vuodul bidjan álgui Ohcejoga ovddeš polesstašuvnna guoski suodjаланášši huksenárbbi suodjalemis addojuvvon lága (498/2010, huksenárbeláhka) 11 § vuodul. Visti lea suodjaluvvon stáhta oamastan visttiid suodjaleamis addojuvvon ása husa (480/1985) vuodul birasministeriija 8.6.1995 mearrádusain nummir 1/562/95. Giddodatoamasteaddjis ožžon dieđu mielde eaiggáda molsašuvvan lea dáhpáhuvvan sullii 15 jagi dassái. Suodjаланášši guoská birasministeriija mearrádusain suodjaluvvon viidodaga ja čuovvovaš visttiid:

Virgedállu 1922 103358414C

Áiti 1 922 103327698J

Stálla 1 922

Sávdni 1 922

EJB-guovddáš ii leat mearridan vára váldima gildosa

Ohcejoga gielddas lea bivdojuvvon huksenárbelága 7 § 1 momeantta mielde cealkámuš ášši birra.

Huksenárbevierrolága 7§ mielde gielddas man viidodagas visti lea, ja dain, geaid diliide dahje beroštumiide ášši sáhtta mearkkašahti láhkai váikkuhit, lea vejolašvuohta buktit ovdan suodjaleami dár bui, ulbmiliidda ja vugiide laktáseaddji beliid.

Áššemeannudeaddji

Gielddahoavda Kontio Päivi

Mearrádusevttohus

Ohcejoga gielddas eai leat áššái gulle vaš gáibádusat ja gielddaráđđehus evttoha, ahte áššis bargojuvvo giddodateaiggáda sávaldaga mielde.

Mearrádus

152**Tontte oastinfálaldat, Inga ja Niila Guttorm**

ealteknlg 26.06.2025 § 84

Válmmaštalli

Vd. Giddodathoavda Päivi Kontio

Áššehas lea váldán oktavuođa Ohcejoga gildii ja bivdán, ahte oažžu oastit Ohcejoga gieldda giddodagas 890-403-25-2 máttaravddas smávva eatnama (s.800 m2) juohkima várás giddodahkii 890-403-22-1. Dán áššehasa giddodagas ii leat gávdnon sadji bovrageáivvui, ja bovrageáivvui heivvolaš sadji sáhtášii gávdnut Ohcejoga gieldda eatnamis ádjaga guoras.

Ohcejoga gieldda giddodat 890-403-25-2 lea M-1 -guovlu ja áššehasa giddodat 22-1, masa mearreviidodat lasihuvvošii, lea AO -guovlu.

Áššemeannudeaddji

Vd. giddodathoavda Kontio Päivi

Mearrádusevttohus

Lávdegoddi evttoha gielddaráđđehussii mearreviidodaga kártáčuovvosa mielde, sullii 800 m2 vuovdima Nilla ja Inga Guttormii dállohtottiid (AO, AP) haddemearrideami vuodul 2,90 Euro/m2, dalle haddi livččii 2.320,00 Euro.

Mearrádus

Mearrádusevttohus dohkkehuvvui.

Gr 18.08.2025

7/10.00.02.00/2025

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus mearrida vuovdit tontte ohccái 2.320,00 euro gávpehattiin, ohcamuša mielde.

Mearrádus

153

Jienastanguovlojuogu nuppástuhttin 1.1.2026 rájes

Gr 18.08.2025

127/00.02.00/2025

Válgalága 8 § mielde gielda hábme ovttá válgabiire, muhto ii leat dárbu juohkit dan mángga válgabiirii. Jienastanguovlluid viidodagas dahje ássiidlogus eai leat dárkilut mearrádusat. Jienastanguovlluid birra mearrida váldostivra. Váldostivrra mearrádusain nuppástuhtton válgaguovlojuohku lea fámus 1.1.2026 rájes doaimmahuvvon válggain ja álbmotjienasteamis, jos váldostivrra mearrádus lea dahkkon ja das lea almmuhuvvon 30.8.2025 rádjai Digi ja álbmotdiehtodoaimmahakkii (DVV) Jienastanguovlu mearrida jienasteaddji válgabeaivvi jienastanbáikki. Jienastanguovllus ii dan sadjái leat mearkkašupmi ovdajienasteapmái, daningo juohkehaš sáhtá jienastit ovddalgihtii buot almmolaš ovdajienastanbáikkiin.

Ohcejoga gieldda ássiid, jietnavuoigadahtton ja válggain jienasteaddjiid mearit leat unnon manimus jagiid. Jienastanguovlluin sáhttet šaddat dilli, ahte dain addojuvvon jienat šaddet juohke dáhpehusas ovttastahttojuvvot. Juohke jienastanguovllus galgá válgabeaivve leat iežas válgalávdegoddi ja go álbmot boarásmuvvet válgalávdegottiide lea váttis oažžut doarvái olbmuid dahje namuhuvvon gáibideaddji bargui basti válgadoaibmaolbmuid. Olu smávva gielddain lea dušše okta jienastanguovlu. Jienastanguovlluid geahpedeapmi maid uhcida goluid. Stáhta buhte gielddaide stáhtalaš válggaid lágideamis dihto euromeari jietnavuoigadahtton gieldda olbmo guovdu ja dál buhtadus gokčá dušše oasi goluin.

Áššemeannudeaddji Gielddahoavda Päivi Kontio

Mearrádusevttohus Gielddaráđdehus evttoha váldostivrii, ahte dat mearrida jienastanguovlluid nuppástuhttimis nu, ahte 1.1.2026 rájes Ohcejogas lea okta jienastanguovlu 001 Ohcejohka.

Mearrádus

154**Gielddaráđđehusa linnjá buggeluosa bivdimii sihke Norgga huksen buđđui Deanus**

Gr 18.08.2025

137/00.04.00/2025

Áššemeannudeaddji Gielddahoavda Päivi Kontio

Mearrádusevttohus Gielddaráđđehus čađaha sáttaságastallama buggeluosa bivdimis sihke Norgga stáhta Detnui huksen buođus. Sáttaságastallama vuodul gielddaráđđehus gárvvista bealiváldima.

Mearrádus

155

Doaibmaorgánaid mearrádusat

Gr 18.08.2025

Lávdegottiid beavdegirjjit galget doaimmahuvvot gielddahovdii njealji beaivvi geažes beavdegirjji dárkkisteamis. Gielddaráđđehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálldašeaddji mearrádusaide. Váldinmearrádusa sáhttá dahkat gielddaráđđehus dahje dan ságadoalli, gielddahoavda dahje stivrennjuolggadusas mearriduvvon virgehálldašeaddji. Váldinvuoigatvuođa galgá geavahit manjimustá njulgengáibádusáiggi siste. Geavatlaččat gielddahoavda dárkkista lávdegottiid mearrádusaid. Go gielddaráđđehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjjit diehtun ja seammás mearriduvvo, ahte váldinvuoigatvuohta ii geavahuvvo beavdegirjjiid sisdollui gullevaš áššiin. Beavdegirjjiid kopijiat eai laktojuvvo gielddaráđđehusa beavdegirjái, muhto dat galget leat lahtuid geavahusas gielddaráđđehusa čoahkkimiin.

Čuovvovaš doaibmaorgánaid beavdegirjjit leat oaidnin láhkai čoahkkinbáikkis: Čuvgehuslávdegoddi 12.6.2025 ja 14.8.2025, Eallinfápmo- ja teknikkalaš lávdegoddi 26.6.2025 ja 12.8.2025.

Mearrádusevttohus

Gielddaráđđehus merke diehtun doaibmaorgánaid mearrádusaid ja gávnna, ahte GiellaL 51 § váldinvuoigatvuohta ii leat geavahuvvon.

Mearrádus

156

Áššit diehtun

Gr 18.08.2025

Mearrádusevttohus Gielddaráđđehus merke diehtun čuovvovaš áššebáhpáriid:

Lappi buresveadjinguovlu

- Guovllustivrra čoahkkindieđáhus 16.6.2025
- Guovlostivrra čoahkkindieđáhus 9.6.2025

Lappi lihttu

Stivra 9.6.2025 beavdegirji

Meahciráđđehus

- Luonddusuodjaleami mielde spiehkastatlohpi MH 2526/2025

Mearrádus